

VIRO
NOBILISSIMO, AMPLISSIMO
EXPERIENTISSIMO^q
DOMINO

115

IO. THEODO-
RO MEISNERO,

DOCTORI MEDICO & PHYSICO IN CIVITATE
REGIA THORVNENSI PRIMARIO
CELEBERRIMO,

CVM
INOPINATIS DOLORIBVS CALCULI E PVLMONIBVS
EXCVSSI

OPPRESVS, PLACIDE IN DOMINO

d. xxx. Jul. An. cccccxi

EXPIRASSET,

& d. V. Aug. ei. A.

IN TEMPLO MARIANO CONTVMVLERETVR,
VTIMVM HONORIS OFFICIVM PRÆSTABANT,
MOESTISSIMAMQVE VIDVAM ET LVGENTES SOLARI
VOLEBANT

RECTOR ET PROFESSORES
GYMN. THOR.



THORVNII,

Impresfit Joannes Nicolai, NOB. SENAT. & GYMN.

Typographus.

Doctorum numerum numeret quis quaeso Virorum,
Infausti lapides queis peperere necem?
Pondera quis referat lapidum, quis mille figuras
Corporis & partes, quae lacerantur eis?

Gorgonesô Musae Cultoribus esse velitis,

Saxificae? Vestri Saxea membra gerent?

Castalii miseris torquebunt viscera fontes:

Ac animo molles corpora dura ferent?

O, *Meisnere*, Tibi haud dederat praecordia dura

Numen. Tu nullis asperitate gravis,

Te tamen horrendi vexabant saepe lapilli.

Haec Tibi praeter spem monstra tulere necem.

Calculus infelix putridis pulmonibus ortus

Faucibus inhaerens, proxima causa necis.

Altera progenies renis trinacria supra

Obtulit, & reliqui cordis imago fuit. [*]

Multiplices alii cruciabant membra lapilli,

Pressus sic duro marmore vivus erat.

Hoc non vis ferri potuit, Panacea nec ulla

Frangere, ne liquor triste domare malum.

Qui valuit duros aliorum tollere morbos,

Non mollire potest viscera dura sibi.

Nilque sua doctus sibi prodest arte *Machaon*,

Saxea cum debent fata notare *Virum*.

Non artis lapides sint, sed monumenta doloris,

Iusta tamen famae sunt monumenta bonae.

Ergo, Beate, bonis caeli Tu rite fruaris,

Hic virtus saxo firmior ipsa manet.

Moestam Tu Viduam, Deus optime, quaeso tuere,

Indulgens esto prolis ubique Pater.

P. Jaenichius, R.

(*) Similem calculum cordiformem in vesica Notarii Caesarei inventum memorant Obs. Curios. A. 1682. obs. 103. plus
res alias formas calculorum, ut & eorum doloribus peremptos eruditos quamplurimos refert Lud. Ch. Crellius
V. Cl. in $\Theta\text{ATM}\text{ATOAI}\text{O}\text{O}\text{A}\text{O}\text{GIA}$ supremo honori B. Seeligwanni, Concionat. Aul. Sax. Summi data.

Mortuus est citius *Meisnerus* doctus ab arte
Hippocratis, quam vix ægrotum quisque
putabat,

Non Medicus Medicum medicis curare valebat

Fomentis, quoniam nemo transcendere metam

Vitæ præfixam potis est; Mors quin habet ullum

Ex Medicis quæstum; moriendi cuique facultas

Injuncta est. Medicus morborum sustulit arte

Mirifica fraudes, nescit tamen ipse suosmet

Morbos; hinc ipsum lethæo Parca sopore

Opprimit, atque secat velocia stamina vitæ.

Meisnero bene sit, capiatque Palatia cæli

Et viduam moestam cum Natis, *Christe*, duobus

Suscipe, ne pereat Patris perchara propago.

EPITAPHIUM PIE DEFUNCTO M. D.
ERECTUM.

M*eisnerus* jacet heic medica Clarissimus
arte,

Qui fuit ætatis doctus *Apollo* sua.

Morborum omne genus curabat, & arte levabat,

Ast aliis Medicus, defuit ipse sibi.

l. m. g. c.

M. MARTINUS Böhmi.

Tunc homines tutam creduntur ducere vitam,
 Rectè quum sese cura salutis habet :
 Nimirum, quando Medicus, qui pellere novit
 Morbos, infirmos sospes adire potest.
 Nuntius aſt quando Medicum decumbere dicit,
 Alter ait, Doctor mox in agone jacet ;
 Tertius accurrit, dicens, jam lumina clauſit ;
 Tunc ægri pariter ſe periſſe putant.
 Talia de Doctore probo Medicæque perito
 Artis Meiſnero ſunt memorata nova :
 Talia ſenſa gerunt animi, quos Ille reliquit
 Ægros, atque ſuâ quos relevavit ope.
 Quis, dicunt, nos ægros læta mente levabit ?
 Quis tanta pellet dexteritate mala ?
 Cognati lugenti mente queruntur Amicum
 Amiſſum rupto fœdere amicitia.
 Imprimis Conjux deplorat fata Mariti,
 Et ſua manſueto jam viduata Viro.
 Nec minus exanimem Natorum biga ſuperſtes
 Proſequitur fletu & corde gemente Patrem.
 Et pietas hæc ipſa quidem laudanda, peremptum
 Attamen ad vitam non revocare valet :
 Cui fragili pro vita æternam Conditor orbis,
 Hoc & pro mundo cœlica regna dedit.
 Immodicos igitur præſtabit ponere luctus
 Propter eum, qui jam gaudia mille capit ;
 Cujus & ob claras virtutes hic & in orbe
 Toto nomen, honos, lausque perennis erit.

Tantum

In Honorem Experientiſſimi Medici

l. ſcr.

M. Martinus Bertleffius, P. P.